




大戴禮記上



右大戴禮十三卷總四十篇隋志所載亦十三卷而夏小正別為卷唐志但云十三卷而無夏小正之別矣崇文總目則十卷而云三卷五篇無諸本可正定也蓋自漢興得先儒所記禮書凡二百四篇戴德刪之為八十五篇謂之大戴禮戴聖又刪德之書為四十九篇謂之小戴禮今立之學官者小戴書也然大戴篇始三十九終八十一當為四十三篇中間缺者四篇而重出者一篇兩篇七其上不見者猶三十八篇復不能合於八十五篇之數豈但當為八十一耶

其缺者或既逸其不見者抑聖所取者也然哀
公問投壺二篇與小戴書無甚異禮察篇與經
解亦同曾子大孝篇與祭義相似則聖已取之
篇豈其文無所刪者也勸學禮三本見於荀卿
子至取舍之說及保傳則見於賈誼疏間與經
子同者尚多有之按儒林傳德事孝宣嘗爲信
都太傅聖則爲九江太守今德書乃題九江太
守未知何所據也大抵漢儒所傳皆出於七十
子之徒後之學者僅習小戴記不知大戴書多
矣其探索陰陽窮析物理推本性命雜言禮樂

之辨器數之詳必有自來以是知聖門之學無
不備也子家舊傳此書嘗得范太史家一本校
之篇卷悉同其訛缺謬誤則不敢改益懼其寢
久而傳又加舛也乃刊置建安郡齋庶可攷焉
淳熙乙未歲後九月潁川韓元吉書



大戴禮記卷第一



百

禮記

卷第一

漢九江太守戴

王言第三十九

哀公問五義第四十

哀公問於孔子第四十一

禮三本第四十二

王言第三十九

孔子閒居曾子侍孔子曰參今之君子惟士與大夫之言之聞也其至於君子之言者甚希矣於乎吾王言其不出而化乎哀哉曾子起曰敢



撰

問何謂王言孔子不應曾子懼肅然摳衣下席
曰弟子知其不孫也得夫子之間也難是以敢
問也孔子不應曾子懼退負序而立孔子曰參
女可語明王之道與曾子曰不敢以為足也得
夫子之間也難是以敢問孔子曰吾語女道者
所以明德也德者所以尊道也是故非德不尊
非道不明雖有國馬不教不服不可以取千里
里一本作理雖有博地衆民不以其地治之不可以
霸王是故昔者明王內脩七教外行三至七教
脩焉可以守三至行焉可以征七教不脩雖守

不固三至不行雖征不服是故明王之守也必
折衝乎千里之外其征也衽席之上還師是故
內修七教而上不勞外行三至而財不費此之
謂明王之道也曾子曰敢問不費不勞可以為
明乎孔子愀然揚麋麋一作眉曰參女以明王為勞
乎昔者舜左禹而右臯陶不下席而天下治夫
政之不中君之過也政之既中令之不行職事
者之罪也明主奚為其勞也昔者明主關譏而
不征市廛而不稅稅十取一使民之力歲不過
三日入山澤以時有禁而無征時而不禁夫圭

田無此六者取財之路也明主捨其四者而節

其二者明主焉取其費也曾子曰敢問何謂七

教孔子曰上敬老則下益孝上順齒則下益悌

上樂施則下益諒上親賢則下擇友上好德則

下不隱一作上好德上惡貪則下耻爭上強果

則下廉耻民皆有別則貞則正亦不勞矣此謂

七教七教者治民之本也教定則正矣上者民

之表也表正則何物不正是故君先立於仁則

大夫忠而士信民敦工璞商慤女憧婦空空七

者教之志也七者布諸天下而不窳內諸尋常

之室而不塞是故聖人等之以禮立之以義行

之以順而民弃惡也如灌曾子曰弟子則不足

道則至矣孔子曰參姑止又有焉昔者明主之

治民有法必別地以州之分屬而治之然後賢

民無所隱暴民無所伏使有司日省如時考之

歲誘賢焉則賢者親不肖懼者使之哀鰥寡養孤

獨恤貧窮誘孝悌選賢舉能此七者修則四海

之內無刑民矣上之親下也如腹心則下之親

上也如保子之見慈母也上下之相親如此然

後令則從施則行因民既邇者說遠者來懷然

後布指知寸布手知尺舒肘知尋十尋而索百步而堵三百步而里千步而井三井而甸烈三甸烈而距五十里而對百里而有都邑乃爲畜積衣裘焉使處者恤行者有興與亡是以蠻夷諸夏雖衣冠不同言語不合莫不來至朝覲於王故曰無市而民不乏無刑而民不違畢弋田獵之得不以盈宮室也徵歛於百姓非以充府庫也慢怛以補不足禮節以損有餘故曰多信而寡貌其禮可守其信可復其跡可履其於信也如四時春秋冬夏其博有萬民也如飢而食如

渴而飲下土之人信之夫暑熱凍寒遠若邇非道邇也及其明德也是以兵革不動而威用利不施而親此之謂明主之守也折衝乎千里之外此之謂也曾子曰敢問何謂三至孔子曰至禮不讓而天下治至賞不費而天下之士說至樂無聲而天下之民和明主篤行三至故天下之君可得而知也天下之士可得而臣也天下之民可得而用也曾子曰敢問何謂也孔子曰昔者明王以盡知天下良士之名旣知其名又知其數旣知其數又知其所所在明主因天下之

爵以尊天下之士此之謂至禮不讓而天下治
因天下之祿以富天下之士此之謂至賞不費
而天下之士說天下之士說則天下之明譽興
此之謂至樂無聲而天下之民和故曰所謂天
下之至仁者能合天下之至親者也所謂天下
之至知者能用天下之至和者也所謂天下之
至明者能選天下之至良者也此三者咸通然
後可以征是故仁者莫大於愛人知者莫大於
知賢政者莫大於官賢有土之君修此三者則
四海之內拱而俟然後可以征明主之所征必
衆此之謂衽席之上乎還師

哀公問五義第四十

魯哀公問於孔子曰吾欲論吾國之士與之爲
政何如者取之孔子對曰生乎今之世志古之
道居今之俗服古之服舍此而爲非者不亦鮮
乎哀公曰然則今夫章甫句屨紳帶而搢笏者
此皆賢乎孔子曰否不必然今夫端衣玄裳冕

而乘路者志不在於食糞斬衰藺屨杖而歠粥者志不在於飲食故生乎今之世志古之道居今之俗服古之服舍此而爲非者雖有不亦鮮乎哀公曰善何如則可謂庸人矣孔子對曰所謂庸人者口不能道善言而志不邑邑不能選賢人善士而託其身焉以爲已憂動行不知所務止立不知所定日選於物不知所貴從物而流不知所歸五鑿爲政心從而壞若此則可謂庸人矣哀公曰善何如則可謂士矣孔子對曰所謂士者雖不能盡道術必有所由焉雖不能

盡善盡美必有所處焉是故知不務多而務審其所知行不務多而務審其所由言不務多而務審其所謂知既知之行既由之言既顯之若夫性命肌膚之不可易也富貴不足以益貧賤不足以損若此則可謂士矣哀公曰善何如則可謂君子矣孔子對曰所謂君子者躬行忠信其心不置仁義在已而不害不知聞志廣博而色不伐思慮明達而辭不爭君子猶然如將可及也而不可及也如此可謂君子矣哀公曰善敢問何如謂賢人矣孔子對曰所謂賢人者好

惡與民同情取舍與民同統行中矩繩而不傷於本言足法於天下而不害於其身躬爲匹夫而願富貴爲諸侯而無財如此則可謂賢人矣哀公曰善敢問何如可謂聖人矣孔子對曰所謂聖人者知通乎大道應變而不窮能測萬物之情性者也大道者所以變化而凝成萬物者也情性也者所以理然不然取舍者也故其事大配乎天地參乎日月雜於雲蜺惣要萬物穆穆純純其莫之能循若天之司莫之能職百姓淡然不知其善若此則可謂聖人矣哀公曰善

孔子出哀公送之

哀公問於孔子第四十一

哀公問於孔子曰大禮何如君子之言禮何其尊也孔子曰丘也小人何足以知禮君曰否吾子言之也孔子曰丘聞之也民之所由生禮爲大非禮無以節事天地之神明也非禮無以辨君臣上下長幼之位也非禮無以別男女父子兄弟之親昏姻䟽數之交也君子以此之爲尊敬然然後以其所能教百姓不廢其會節有成事然後治其雕鏤文章黼黻以嗣其順之然後

言其喪葬備其鼎俎設其豕腊修其宗廟歲時以敬祭祀以序宗族則安其居處醜其衣服卑其宮室車不雕幾器不刻鏤食不貳味以與民同利昔之君子之行禮者如此公曰今之君子胡莫之行也孔子曰今之君子好色無厭淫德不倦荒怠教慢固民是盡忤其衆以伐有道求得當欲不以其所古之用民者由前今之用民者由後今之君子莫爲禮也孔子侍坐於哀公哀公曰敢問人道誰爲大孔子愀然作色而對曰君及此言也百姓之德也固臣敢無辭而對

人道政爲大公曰敢問何謂爲政孔子對曰政者正也君爲正則百姓從政矣君之所爲百姓之所從也君所不爲百姓何從公曰敢問爲政如之何孔子對曰夫婦別父子親君臣嚴三者正則庶民從之矣公曰寡人雖無似也願聞所以行三言之道可得而聞乎孔子對曰古之爲政愛人爲大所以治愛人禮爲大所以治禮敬爲大敬之至也夫昏爲大大昏至矣夫昏既至冕而親迎親之也親之也者親之也是故君子與敬爲親舍敬是遺親也弗愛不親弗敬不正

篇中字與小戴異者後人或據彼妄改並以大典及至正本校定

愛與敬其政之本與公曰寡人願有言然冕而親迎不已重乎孔子愀然作色而對曰合二姓之好以繼先聖之後以爲天地社稷宗廟之主君何謂已重乎公曰寡人固不固焉得聞此言也寡人欲問不得其辭請少進孔子曰天地不合萬物不生大昏萬世之嗣也君何以謂已重焉孔子遂有言曰內以治宗廟之禮足以配天地之神明出以治直言之禮足以立上下之敬物恥足以振之國恥足以興之爲政先禮禮者政之本與孔子遂言曰昔三代明王之政必敬其妻子也有道妻也者親之主也敢不敬與子也者親之後也敢不敬與君子無不敬也敬身爲大身也者親之枝也敢不敬與不能敬其身是傷其親傷其親是傷其本傷其本枝從而亡三者百姓之象也身以及身子以及子配以及配君子行此三者則愾乎天下矣先王之道也如此國家順矣公曰敢問何謂敬身孔子對曰君子過言則民作辭過動則民作則君子言不過辭動不過則百姓不命而敬恭如是則能敬其身能敬其身則能成其親矣公曰敢問何謂

成親孔子對曰君子也者人之成名也百姓歸之名謂之君子之子是使其親爲君子也是爲成其親名也已孔子遂言曰古人爲政愛人爲大不能愛人不有其身不能有其身不能安土不能安土不能樂天不能樂天不能成身公曰敢問何謂成身孔子對曰不過乎物公曰敢問君何貴乎天道也孔子對曰貴其不已如日西東相從而不已也是天道也不閑其久也是天道也無爲物成是天道也已成而明是天道也公曰寡人蠢愚冥煩子識之心也孔子蹴然避席而對曰仁人不過乎物孝子不過乎物是仁人之事親也如事天如事親是故孝子成身公曰寡人旣聞是言也無如後罪何孔子對曰君之及此言也是臣之福也

禮三本第四十二

禮有三本天地者性之本也先祖者類之本也君師者治之本也無天地焉生無先祖焉出無君師焉治三者偏亡無安之人故禮上事天下事地宗事先祖而寵君師是禮之三本也王者天太祖諸侯不敢壞大夫士有常宗所以別貴

始德之本也郊止天子社止諸侯道及士大夫
一本有荀子云所以別尊卑尊者事尊卑者事卑宜鉅
者鉅宜小者小也故有天下者事七世有國者
事五世有五乘之地者事三世有三乘之地者
事二世待年而食者不得立宗廟所以別積厚
者流澤光積薄者流澤卑亦如之大饗尚玄尊
俎生魚先大羹貴飲食之本也大饗尚玄尊而
用酒食先黍稷而飯稻粱祭饗大羹而飽乎庶
羞貴本而親用貴本之謂文親用之謂理兩者
合而成文以歸太一夫是謂六隆故尊之尚玄

酒也俎之生魚也豆之先大羹也利省之
也成事之俎不嘗也三侑之不食也一也大昏
之未發齊也廟之未納尸也始卒之未小斂也
大路車之素幘也郊之麻冕也喪服之先散帶
一也三年之哭不文也清廟之歌一倡而三歎
也縣一磬而尚拊搏朱弦而通越一也凡禮始
於脫成於文終於隆故至備情文俱盡其次情
文迭興其下復情以歸太一天地以合四時以
洽日月以明星辰以行江河以流萬物以倡好
惡以節喜怒以當以為下則順以為上則明萬

變不亂貸之則喪

大戴禮記卷第一

大戴禮記卷第二

禮察第四十六

夏小正第四十七

禮察第四十六

孔子曰君子之道譬猶防與夫禮之塞亂之所從生也猶防之塞水之所從來也故以舊防爲無用而壞之者必有水敗以舊禮爲無所用而去之者必有亂患故婚姻之禮廢則夫婦之道苦而淫辟之罪多矣鄉飲酒之禮廢則長幼之序失而爭鬪之獄繁矣聘射之禮廢則諸侯之

行惡而盈溢之敗起矣喪祭之禮廢則臣子之恩薄而倍死忘生之禮衆矣凡人之知能見已然不能見將然禮者禁將然之前而法者禁於已然之後是故法之用易見而禮之所爲生難知也若夫慶賞以勸善刑罰以懲惡先王執此之正堅如金石行此之信順如四時處此之功無私如天地爾豈顧不用哉然如曰禮云禮云貴絕惡於未萌而起敬於微眇使民日徙善遠罪而不自知也孔子曰聽訟吾猶人也必也使無訟乎此之謂也爲人主計者莫如安審取舍

取舍之極定於內安危之萌應於外也安者非一日而安也危者非一日而危也皆以積然不可不察也善不積不足以成名惡不積不足以滅身而人之所行各在其取舍以禮義治之者積禮義以刑罰治之者積刑罰刑罰積而民怨倍禮義積而民和親故世主欲民之善同而所以使民之善者異或導之以德教或歐之以法令導之以德教者德教行而民康樂歐之以法令者法令極而民哀戚哀樂之感禍福之應也我以為秦王之欲尊宗廟而安子孫與湯武同

然則如湯武能廣大其德久長其後行五百歲而不失秦王亦欲至是而不能持天下十餘年即大敗之此無佗故也湯武之定取舍審而秦王之定取舍不審也易曰君子慎始差若毫釐繆以千里取舍之謂也然則爲人主師傅者不可取日夜明此問爲天下如何曰天下器也今人之置器置諸安處則安置諸危處則危而天下之情與器無以異在天子所置爾湯王置天下於仁義禮樂而德澤洽禽獸草木廣育被蠻貊四夷累子孫十餘世歷年久五六百歲此天

被上脫
德字

下之所共聞也秦王置天下於法令刑罰德澤無一有而怨毒盈世民憎惡如仇讎旣幾及身子孫誅絕此天下之所共見也夫用仁義禮樂爲天下者行五六百歲猶存用法令爲天下者十餘年即亡是非明驗乎人言曰聽言之道必以其事觀之則言者莫敢妄言今子或言禮義之不如法令教化之不如刑罰人主胡不承殷用秦事以觀之乎

夏小正第四十七

正月啓蟄言始發蟄也鴈北鄉先言鴈而後言

鄉者何也見鴈而後數其鄉也鄉者何也鄉其
居也鴈以北方爲居何以謂之爲居生且長焉
爾九月遘鴻鴈先言遘而後言鴻鴈何也見遘
而後數之則鴻鴈也何不謂南鄉也曰非其居
也故不謂南鄉記鴻鴈之遘也如不記其鄉何
也曰鴻不必當小正之遘者也雉震响霜也者
鳴也鴈也者鼓其翼也正月必雷雷不必聞惟
雉爲必聞之何以謂之雷則雉震响相識以雷
魚陟負冰陟升也負冰云者言解蟄也農緯厥
耒緯束也束其耒云爾者用是見君之亦有耒

也初歲祭耒始用暢也

暢一作暢

其用初云爾暢也

者終歲之用祭也言是月之始用之也初者始

也或曰祭韭也囿有韭見囿也者囿之燕者也時有

俊風俊者大也大風南風也何大於南風也曰

合冰必於南風解冰必於南風生必於南風收

必於南風故大之也寒田滌凍塗滌也者變也

變而煖也凍塗者凍下而澤上多也田鼠出田

鼠者噉鼠也記時也農率均田率者循也均田

者始除田也言農夫急除田也獺祭魚其必與

之與疑獻何也曰非其類也祭也者得多也善

其祭而後食之十月豺祭獸謂之祭獺祭魚謂
之獻何也豺祭其類獺祭非其類故謂之獻大
之也鷹則爲鳩鷹也者其殺之時也鳩也者非
其殺之時也善變而之仁也故其言之也曰則
盡其辭也鳩爲鷹變而之不仁也故不盡其辭
也農及雪澤言雪澤之無高下也初服于公田
古有公田焉者古言先服公田而後服其田也
采芸爲廟采也鞠則見鞠者何也星名也鞠則
見者歲再見爾初昏參中蓋記時也云斗柄縣
在下言斗柄者所以著參之中也柳稊稊也者

發乎也梅杏棗桃則華棗桃山桃也緹縹也者
莎隨也緹也者其實也先言緹而後言縹者何
也緹先見者也何以謂之小正以著名也鷄桴
粥粥也者相粥之時也或曰桴桴伏也粥養也
二月往耒禘禘單也初俊羔助厥母粥俊也
者大也粥也者養也言大羔能食草木而不食
其母也羊羔非其子而後養之善養而記之也
或曰憂有煑祭祭也者用羔是時也不足喜樂
喜羔之爲生也而記之與羔羊腹時也綏多女
士綏安也冠子取婦之時也丁亥萬用入學丁

亥者吉日也萬也者干戚舞也入學也者大學也謂今時大舍采也祭鮪祭不必記記鮪何也鮪之至有時美物也鮪者魚之先至者也而其至有時謹記其時榮黃菜也榮菜菜繁由胡繁由胡者繁母也繁蕩勃也皆豆實也故記之昆小虫抵蝼昆者衆也由魂蠃也者動也小虫動也其先言動而後言蟲者何也萬物是動而後著抵猶推也蝼螳螂也為祭醢也取之則必推之推之必不取取必推而不言取來降燕乃睇燕乙也降者下也言來者何也莫能見其始出也故

取必當
作故言

曰來降言乃睇何也睇者眄也眄者視可為室者也百鳥皆曰巢窠穴取與之室何也摻泥而就家人人內也剝鱗以為鼓也有鳴倉庚倉庚者商庚也商庚者長股也榮芸時有見稊始收有見稊而後始收是小正序也小正之序時也皆若是也稊者所為豆實

三月參則伏伏者非志之辭也星無時而不見我有不見之時故曰伏去攝桑桑攝而記之急桑也委委一作萎楊楊則花而後記之羴羊羊有相還之時其類羴羴然記變爾或曰羴羴也穀則

鳴穀天蠖也。頒冰頒冰者分冰以授大夫也。采
識識草也。妾子始蠶先妾而後子何也。曰事有
漸也。言自卑事者始執養宮事執操也。養長也。
祈麥實麥實者五穀之先見者。故急祈而記之
也。越有小旱越于也。記是時恒有小旱田鼠化
爲鴛鴦鶴也。變而之善。故盡其辭也。鴛爲鼠變
而之不善。故不盡其辭也。拂桐芭拂也者拂也。
桐芭之時也。或曰言桐芭始生貌拂拂然也。鳴
鳩言始相命也。先鳴而後鳩何也。鳩者鳴而後
知其鳩也。

四月昴則見初昏南門正南門者星也。歲再見
壹正蓋大正所取法也。鳴扎扎者寧縣也。鳴而
後知之。故先鳴而後扎。囿有見杏。囿者山之燕
者也。鳴蜮蜮也者。或曰屈造之屬也。王荳莠取
荼荼也者。以爲君薦蔣也。莠幽越有大旱記時
爾執陟攻駒執也者。始執駒也。執駒也者。離之
去母也。執而升之君也。攻駒也者。教之服車數
舍之也。

五月參則見參也者。牧星也。故盡其辭也。浮游
有殷殷衆也。浮游殷之時也。浮游者渠略也。朝

生而暮死稱有何也有見也鳩則鳴鳩者百鷓也鳴者相命也其不幸之時也是善之故盡其辭也時有養由養長也一則在本一則在末故其記曰時養曰之也乃瓜乃者急瓜之辭也瓜也者始食瓜也良蜩鳴良蜩也者五采具匿之興五日翕望乃伏其不言生而稱興何也不知其生之時故曰興以其興也故言之興五日翕也望也者月之望也而伏去者不知其死也故謂之伏五日也者十五日也翕也者合也伏也者入而不見也啓灌藍蓼啓者別也陶而疏之

也灌者聚生者也記時也鳩爲鷹唐蜩鳴唐蜩鳴者匱也初昏大火中大火者心也心中種黍菽糜時也煮梅爲豆實也蓄蘭爲沐浴也菽糜以在經中又言之時何也是食矩關而記之頌馬分夫婦之駒也將間諸則或取離駒納之則法也矩關一作短閔夫婦一作夫卿

六月初昏斗柄正在上五月大火中六月斗柄正在上用此見斗柄之不在當心也蓋當依依尾也煮桃桃也者柶桃也柶桃也者山桃也煮以爲豆實也鷹始摯始摯而言之何也諱煞之

辭也故摯言去

七月莠藿葦未莠則不爲藿葦莠然後爲藿葦故先言莠狸子肇肆肇始也肆遂也言其始遂也其或曰肆殺也湟潦生萃湟下處也有湟然後有潦有潦而後有萃草也爽死爽也者猶䟽也萃莠萃也者有馬帝也漢案戶漢漢也案戶也者直戶也言正南北也寒蟬鳴蟬也者蜩螗也初昏織女正東鄉時有霖雨灌荼灌聚也荼藿葦之莠爲蔣楮之也藿未秀爲蒺葦未秀爲蘆斗柄縣在下則旦

八月剥瓜畜瓜之時也立校立也者黑也校也者若綠色然婦人未嫁者衣之剥棗剥也者取也栗零零也者降也零而後取之故不言剥也丹鳥羞白鳥丹鳥者謂丹良也白鳥者謂蚊蚋也其謂之鳥也重其養者也有翼者爲鳥羞也者進也不盡食也辰則伏辰也謂星也伏也者入而不見也鹿人從者從群也鹿之養也離群而善而之離而生非所知時也故記從不記離君子之居幽也不言或曰人人從也者大者於外小者於內率之也駕爲鼠參中則旦

九月內火內火也者大火大火也者心也遷鴻
鴈遷往也主夫出火主夫也者主以時縱火也
陟玄鳥蟄陟升也玄鳥者鷦也先言陟而後言
蟄何也陟而後蟄也熊罷貉貉馳馳則失若蟄
而榮鞠鞠草也鞠榮而樹麥時之急也王始表
者何也衣表之時也辰繫于田雀入于海爲蛤
蓋有矣非常入也

十月豺祭獸善其祭而後食之也初昏南門見
南門者星名也及此再見矣黑鳥浴者何也烏
浴也者飛乍高乍下也時有養者長也若日之

夜養

長也玄雉入于淮爲蜃蜃者蒲蘆也織女正北
鄉則具織女星名也

十有一月王狩狩者言王之時田冬獵爲狩陳
助革陳筋革者省兵甲也嗇人不從不從者弗
行於時月也萬物不通隕麋角隕墜也田冬至
陽氣至始動諸向生皆蒙蒙符矣故麋角隕記
時焉爾

十有二月鳴弋弋也者禽也先言鳴而後言弋
者何也鳴而後知其弋也玄駒賁玄駒也者蠶
也賁者何也走於地中也納郊蒜郊蒜也者本

如郊者也納者何也納之君也虞人入梁虞人
官也梁者主設罟罟者也隕麋角蓋陽氣旦睹
也故記之也

大戴禮記卷第二

大戴禮記卷第三

保傅第四十八

殷為天子三十餘世而周受之凡三十世周為天

子三十餘世而秦受之凡三十世秦為天子二世

而云人性非甚相遠也孔子曰性相近何殷周有道之

長而秦無道之暴暴卒疾也其故可知也古之王者

太子乃生固舉之禮古即殷周時也使士負之古其也有

司參夙興端冕見之南郊見之天也參夙謂三

正也冕服之正過闈則下敬君典法之處過廟則趨逕闈故下

孝子之道也故自為赤子時教固以行矣昔者

周成王幼在襁褓之中召公為太保周公為太

傅太公為太師武王崩成王十有三也而保保

其身體守之謂安傳傳其德義傳猶敷也師導之教順

師傳之教大同也師主於訓道傳即受而述之

此三公之職也今尚書說三公司馬司徒司空

故先儒論者多於是為置三少皆上大夫也也

謂之曰少保少傅少師是與太子宴者也記成

王幼稚周公居攝又以王少漸賢聖之訓長終

叙之取明殷周之故孩提三少又親近故三公

三少固明孝仁禮義以導習之也逐去邪人不

使見惡行於是比選天下端士孝悌閑博有道

術者以輔翼之使之與太子居處出入故太子

乃目見正事聞正言行正道左視右視前後皆

正人夫習與正人居不能不正也猶生長於楚

不能不楚言也故擇其所嗜必先受業乃得嘗

之擇其所樂必先有習乃得為之思其懶惰故

誘孔子曰少成若性習貫之為常言人性本雖

之若天性自然也周書此殷周之所以長有

道也其太子幼擇及太子少長知妃色則入于

小學小者所學之宮也古者太子八歲入小學

禮曰帝入東學上親而貴仁則親疏有序如恩相及矣帝入南學上齒而貴信則長幼有差如民不誣矣帝入西學上賢而貴德則聖智在位而功不匱矣帝入北學上貴而尊爵則貴賤有等而一不踰矣成王年十五亦入諸學觀禮四學者東序瞽宗虞庠及四郊之學也春氣溫養故上親夏物盛小大殊故上齒秋物成實故貴德冬時物藏於地唯象於天半見也故尚爵也帝入太學承師問道退習而端於太傅太傅罰其不則而達其不及則德智長而理道得矣此五義者既成於上則百姓黎民化緝緝一作輯於下矣學成治就此殷周

之所以長有道也成王學並正於三公及太子也獨云太傅舉中言

既冠成人免於保傅之嚴則有司過之史有

虧膳之宰太子齒於學有榎楚之威成王太子雖幼固與成人等且王既冠

有過史必書之史之義不得不書過不書過則

死過書而宰徹去膳夫膳宰之義不得不徹膳

不徹膳則死於是有進善之於堯置之令進善者立於於下也

有誹謗之木堯設之使書也有敢諫之鼓舜置之使諫擊

之以自鼓夜誦詩賈誼云敢諫之鼓瞽史誦詩然瞽與鼓聲誤也夜史為字

誤工誦正諫工樂人也瞽官長誦謂隨其過誦詩以諷大夫諫之以義後於瞽叟

士傳民語習與智長故切而不攘量知授業故雖勞能受也

化與心成故中道若性觀心施化故是殷周所

以長有道也三代之禮天子春朝朝日秋暮夕

月祭日東壇祭月西坎以別內外以端其位所以明有別也教天下

也春秋入學坐國老執醬而親饋之仲春舍菜合舞仲秋

班學合聲天子視學而遂養老所以明有孝也教天下行中鸞

和步中采茨一作趨中肆夏車亦應樂節步又

爾雅曰堂上謂之行門外謂之趨周禮及玉纁

曰行以肆夏趨以采茨此云步中采茨趨中肆

夏又云行以采茨趨以肆夏則於大寢之內所

以明有度也儀也於禽獸見其生不食其死

聞其聲不嘗其肉故遠庖廚王纁曰凡血氣所

以長恩且明有仁也皆先正食以禮謂俎豆傳

等徹以樂於飲食之間失度則史書之工誦之

三公進而讀之宰夫減其膳是天子不得為非

也失孝敬禮明堂之位曰篤仁而好學多聞而

道慎天子疑則問應而不窮者謂之道道者導

天子以道者也常立於前是周公也誠立而敢

斷輔善而相義者謂之充充者充天子之志也

常立於左是太公也言能忠誠有立絜廉而切

直匡過而諫邪者謂之弼弼者拂天子之過者

也常立於右是召公也博聞強記接給而善對

者謂之承承者承天子之遺忘者也常立於後

是史佚也接給謂應所問而給也史佚周太史尹佚也立道於前承於後置充於左

列諫於右順名義也道者有疑則問故或謂之疑充者輔善故或謂之輔故成王中

立而聽朝則四聖維之是以慮無失計而舉無

過事殷周之前以長久者其輔翼天子有此具

也及秦不然其俗固非貴辭讓也所尚者告得

也賈誼云所上者告許也然得字之誤也固非貴禮義也所尚者

刑罰也故趙高傅胡亥趙高宦者秦車府令胡亥始皇少子二世也

而教之獄所習者非斬劓人則夷人三族也故

今日即位明日射人忠諫者謂之誹謗深為計

者謂之詿誣昔伊尹諫夏桀桀笑曰子為詿言矣莊辛諫襄王襄王曰先生為楚

國詿與是也其視殺人若艾草菅然豈胡亥之性惡

哉彼其所以習導非其治故也鄙語曰不習為

吏如視已事觀前成事也古諺云前事之不忘後事之師也鄙猶今言俗語然也

又曰前車覆後車誡夫殷周所以長久者其已

事可知也然如不能從是不法聖知也秦世所

以亟絕者其轍迹可見也然而不辭者是前車

覆而後車必覆也夫存亡之敗治亂之機其要

在是矣天下之命懸於天子天子之善在於早

諭教與選左右心未疑而先教諭則化易成也

心未疑謂未夫開於道術知義理之指則教之

功也若夫服習積貫則左右已胡越之人生而

同聲嗜慾不異及其長而成俗也參數譯而不

能相通行雖有死不能相為者教習然也生而

其長也重譯而曉之不能使言語相通嗜慾不

異至於成俗其所行雖有死之可畏猶不相放

為者皆未習使之然也故曰選左右早諭教最急夫教得

而左右正左右正則天子正矣天子正而天下

定矣孟子曰君正莫不正也君正而國定也書曰一人有慶萬民

賴之此時務也是也天子不論先聖王之德不

知國君畜民之道不見禮義之正不察應事之

理不博古之典傳不閑於威儀之數詩書禮樂

無經學業不法凡是其屬太師之任也天子無

恩於父母不惠於庶民無禮於大臣不中於刑

獄無一作輕無經於百官不哀於喪不敬於祭不信

於諸侯不誠於戎事不誠於賞罰不厚於德不

強於行賜與侈於近臣鄰愛於疏遠卑賤不能

懲忿窒慾言不勝其情易曰不從大師之言凡

是其屬太傅之任也天子處位不端受業不敬

言語不序聲音不中律聲有準進退節度無禮

節度或為節度或為節度升降揖讓無容周旋俯仰視瞻無儀安

為節度或為節度

為節度或為節度

顧咳唾趨行不得趨或為走色不比順隱琴瑟隱據也言

按禮樂之器凡此其屬太保之任也天子宴瞻其學

少師與天子宴者也左右之習反其師左右所習不順於師也荅遠

方諸侯不知文雅之辭應對群臣左右不知已諾

之正簡聞小誦不傳不習凡此其屬少師之任

也天子居處出入不以禮冠帶衣服不以制御

器在側不以度縱上下雜采不以章感於朱紫不以典章

忿怒說喜不以義賦與集讓不以節凡此其屬

少傅之任也天子宴私安如易自故樂而湛於

樂也飲酒而醉食肉而餒過其性也飽而強強猶勸也飢而

憊憊貪也暑而暍寒而嗽寢而莫宥坐而莫侍行

而莫先莫後天子自為開門戶取玩好自執器

皿亟顧環面環旋也御器之不舉不藏凡此其屬

少保之任也號呼歌謠聲音不中律宴樂雅誦

迭樂序輕用雅誦也凡禮不同樂各有秩苟從所好亂其次聲樂之失任在太史者樂

應天也國語曰吾非瞽史焉知天道也不知日月之時節不知先

王之諱與大國之忌周禮小史職曰若有忌諱也不知

風雨雷電之青凡此其屬太史之任也易曰正

其本萬物理失之毫釐差之千里故君子慎始

也據易說春秋之元詩之關雎禮之冠婚易之

喝字下通解有喝傷暑也四小注

乾以皆慎始敬終云爾元者氣之始也夫始也冠婚人之始也

乾以物之始也獲麟春秋終也頌者詩之終也

吉禮禮之終也未濟易之終也此其重始令終

之義也以言人道當謹始而貴終也素誠繁成謹為子孫娶妻嫁

女必擇孝悌世世有行義者如是則其子孫慈

孝不敢姪暴黨無不善三族輔之三族父族母族妻族故

曰鳳凰生而有仁義之意虎狼生而有貪戾之

心兩者不等各以其母嗚呼戒之哉無養乳虎

將傷天下謂居號斯言故曰素成胎教之道書之玉

板藏之金匱置之宗廟以為後世戒斯王業隆替之所由

也當重而秘之故置於宗廟藏以金匱也青史氏之記曰一曰青史子古

者胎教王后腹之七月而就宴室宴室郊室次

側室自王后已下有子月震女史皆以金環止

御王后比七月就宴夫人婦嬪即以三月就其

側室皆閉房而處也王后以七月為節者太師

君聽天下之內政自諸侯已下妻同之也持銅而御戶左太宰持升而御戶右太師警者宗伯之屬

下大夫太宰膳夫也冢宰之屬上士二人言太

宰因諸侯之稱也樂為陽故在左飲食為陰故

在右升比及三月者王后所求聲音非禮樂則太師緼瑟而稱不習謂逆序若淫聲所求滋味者非正

誠繁二字衍新書無

律貴中太宰曰滋味上某上某然後卜名上無

不時緼瑟倚太子生而泣太師吹銅曰聲中某

升示不用

律

貴中

太宰

曰

滋味

上某

然後

卜名

上無

不時

緼瑟

倚

太子

生而

泣

取於天謂昊昊之事下無取於墜謂神州及社稷中無取於

名山通谷無拂於鄉俗言不苟易於鄉俗也是故君子名

難知而易諱也此所以養恩之道謂避後古者

年八歲而出就外舍學小藝焉履小節焉束髮

而就大學學大藝焉履大節焉小學謂庠門師

保之學也大學主宮之東者束髮謂成童白虎

通曰入歲入小學十五入大學是也此太子之

禮尚書大傳曰公卿之太子大夫元士嫡子年

十三始入小學見小節而踐小義年二十入大

學見大節而踐大義此世子入學之期也又曰

十五年入小學十八入大學者謂諸子姓既成

者至十五入小學其早成者十八入大學內則

曰十年出就外傳居宿於外學書計者謂公卿

已下教子居則習禮文行則鳴珮玉升車則聞

於家也

和鸞之聲是以非僻之心無自入也在衡為

在軾為和馬動而鸞鳴鸞鳴而和應聲曰和和

則敬此御之節也上車以和鸞為節下車以珮

玉為度上有雙衡下有雙璜衡平也半璜衝牙在

中牙玼珠以納其間納於衡璜之間玼亦作璜琺瑯以雜之

摠曰玼珠而赤者曰琺瑯白者曰瑯或曰瑯美玉琺石次玉行以采茨趨以肆

夏步環中規折還中矩進則揖揖一作厭之退則揚

之然後玉鏘鳴也古之為路車也蓋圓以象天

二十八橑以象列星橑蓋也軫方以象地三十輻

以象月故仰則觀天文俯則察地理前視則睹

於家也

朱曰性既當

鸞和之聲側聽則觀四時之運謂視輪也此中

車教之道也巾車宗伯之屬下大夫二人周后

妃任成王於身立而不跂跂一作跛坐而不差獨處

而不倨雖怒而不詈胎教之謂也大任孕文王

耳不聽淫聲口不起惡言故君子謂大任為能

胎教也古者婦人孕子之禮寢不側坐不邊

不食邪味割不正不食席不正不坐目不視邪

色耳不聽淫聲誦詩道正事如此則形容端心

平正才過人矣任子之時必慎所成王生仁者

感感於善則善感於惡則惡也養之謂乳也孝者繼之謂保也四賢傍之謂慈母及子師成

王有知而選太公為師周公為傅此前有與計

謂諸公也而後有與慮也是以封泰山而禪梁甫朝

諸侯而一天下猶此觀之王左右不可不練也

白虎通曰王者易姓而起必升封太山報告之

義天以高為尊地以厚為德故增太山之高以

報天附梁甫之厚以報地明以成功事就有益

於天地若高者加高而廣者增厚矣尚書中候

曰昔者聖主功成道洽符出乃封太山禮緯曰

刑法格藏世作頌聲封於太山考績柴燎禪於

梁甫剋石紀號英炳巍巍功平世教白虎通又

曰王始起日月尚促德化未宣獄訟未息近不

禪神也。昔者禹以夏王桀以夏亡湯以殷王紂以

殷亡闔廬以吳戰勝無敵夫差以見禽於越夫

內不納子胥之忠諫外結怨於諸侯文公以晉國

霸而厲公以見殺於匠黎之宮厲公有鄆陵之

及遊於匠黎氏之家為藥書中行偃劫威王以

齊強於天下而簡公以弒於檀檀臺名

悼公之子齊侯王也威王陳敬仲之後田常之

六世孫田和之孫也田常弒簡公至和為齊侯

其孫號稱王穆公以顯名尊號二世以刺於望

夷之宮穆公秦伯任好也德公之少子宣公之

修德行武東平晉亂以河為界西霸戎翟地廣

大強於天下穆公以顯名尊號二世以刺於望

夷之宮穆公秦伯任好也德公之少子宣公之

修德行武東平晉亂以河為界西霸戎翟地廣

大強於天下穆公以顯名尊號二世以刺於望

夷之宮穆公秦伯任好也德公之少子宣公之

修德行武東平晉亂以河為界西霸戎翟地廣

大強於天下穆公以顯名尊號二世以刺於望

夷之宮穆公秦伯任好也德公之少子宣公之

修德行武東平晉亂以河為界西霸戎翟地廣

大強於天下穆公以顯名尊號二世以刺於望

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

文脫

以下新書有秦字此

具施焉者在所任也葬之為言藏也管仲死相

相公卒二子各欲立其所傳之公子而諸子並

爭國亂無主相公屍在牀積六十七日十二月

乙亥其子無詭立乃推赴焉七故魏有公子無

日辛巳夜殯至九月而後葬矣

忌而削地復得公子無忌信陵君也時魏地多

秦昭王卒三十年信陵君率五趙得藺相如而

國之兵攻秦而敗之復得其地

秦不敢出藺相如趙惠文王之相也嘗以和氏

又偪秦王為趙王擊缶是以秦人憚焉安陵任

故曰趙有藺相如強秦不敢闕兵阱陘

周瞻而國人獨立諸記多為唐睢又賈子胎教

韓威魏而馬陵君獨以五十楚有申包胥而昭

里國存者周瞻唐睢之九

王反復昭王為闔廬敗於柏莒而越在草莽包

胥棄糧跣走請救於秦遂得甲車千乘步

卒十萬敗吳師於闔王益有田單襄王得其國闔王

濁上王反而國存

之子章也初齊之敗楚使淖齒將兵救齊因相

大業不言卷三

三

大業不言卷三

三

而二垂至

湯常出田見野張網四面祝曰自下

去其三面而祝曰欲左欲右不用命者乃入吾網諸侯聞之曰湯德至矣乃及禽獸於是朝商者三十國二垂謂天地之際言通感處遠淮南子曰文王砥德修政二垂至越王不

類舊冢而吳人服

踐也

以其前為慎於人也

得皆

民心故同聲則異而相應意合則未見而相親

賢者立於本朝而天下之豪相率而趨之也

其從

類也故詩有伐木之歌易有拔茅之喻也

何以知其然也管仲者相

公之讎也

乾時之役管仲射相公中其鈞

鮑叔以為賢於已而

進之相公七十言說乃聽遂使相公除仇讎之

心而委之國政焉相公垂拱無事而朝諸侯鮑

叔之力也

垂拱言無所指麾者也

管仲之所以北走相公

而無自危之心者同聲於鮑也

齊在魯北

衛靈公之

時遽伯玉賢而不用迷子瑕不肖而任事

彌當聲誤

為迷也因言賢者歿猶得士也史鮪患之數言遽伯玉賢而不

聽病且死謂其子曰我即死

言死於今

治喪於

北堂吾生不能進遽伯玉而退迷子瑕是不能

正君者死不當成禮而置屍於北堂於我足矣

靈公往弔問其故其子以父言聞靈公造然失

容

造焉驚慘之貌

曰吾失矣立召遽伯玉而貴之

進之為卿

召迷子瑕而退徙喪於堂成禮而後去衛國以

末注而猶汝矣四字當在北堂下

前新書慎彼文俗順古通

治史猶之力也成禮復夫生進賢而退不肖死

且未止又以屍諫可謂忠不衰矣故論語曰紂

殺王子比干而箕子被髮陽狂比干諫而死箕子曰知不用而

言愚也殺其身以彰君之惡名不忠也二者不可然且為之不祥莫大焉解衣被髮為狂而去

之靈公殺泄冶而鄧元去陳以族從凡諸侯之

功德者則命之立族使其子嗣之以守宗廟鄧元知陳之必亡故以族去昔宮之奇諫虞不從

亦族行之自是之後殷并於周陳亡於楚以其殺比

干與泄冶而失箕子與鄧元也紂以文王十二

年為武王滅陳靈公魯宣九年殺泄冶十一年而楚子縣焉燕昭王得郭隗

而鄒衍樂毅以齊至昭王易王之子燕王平也

室於是修先君之怨為齊以求士也韓詩外傳

以有至者昭王欲修先君之怨為齊以求士也

韓詩外傳云於是舉兵而攻齊樓閔王於莒閔

以魏齊至之威王之孫宣王之子齊王也閔王三十年昭王

與晉楚合謀而伐齊齊師大敗樂毅為上將遂入臨淄閔王出奔於衛衛不安去燕支地計衆

不與齊均也然如所以能申意至於此者由得

士也支猶計也昭王曰孤極知燕小力不足以報之然得賢士與之共國以雪先耻孤之

願故無常安之國無宜治之民得賢者安存失

賢者危亡自古及今未有不然而者也故韓詩外傳曰賢者

之所在其君未嘗不安也明鏡者所以察形也往古

者所以知今也詩云殷鑒不遠夫知惡古之危

亡不務襲迹於其所以安存則未有異於却走而求及於前人也太公知之故與微子之後而封比干之墓夫聖人之於當世存者乎其不失可知也

與微子之後封比干之墓於本紀樂記云太公者公共之也而猶汝矣

凡二章新別凡三千五百五十四字

於上似脫見字

大戴禮記卷第三

大戴禮記卷第四

曾子立事第四十九

曾子本孝第五十

曾子立孝第五十三

曾子大孝第五十二

曾子事父母第五十三

曾子立事第四十九

曾子曰君子攻其惡計其失求其過省其身彊其所

不能去私欲從事於義可謂學矣君子愛日以學及時以行難者弗辟易者弗從唯義所在日

且就業夕而自省思以歿其身亦可謂守業矣

君子學必由其業故業必請之問必以其序問而不

決承間觀色而復之復白也雖不說亦不彊爭也

雖不說未解不強爭君子既學之患其不博也既博之患

其不習也既習之患其無知也既知之患其不

能行也既能行之貴其能讓也貴不以已能而競於人君

子之學致此五者而已矣五者謂習無知不能行能以

讓君子博學而彊守之彊小貌不務大微言而篤行之

行必先人言必後人君子欲訥於行而敏於行君子終身守

此悒悒悒悒憂念也行無求數有名事無求數有成

數猶促速身言之後人揚之身行之後人秉之非非法不言

言則為人輔之非德君子終身守此憚憚憚憚憂惶

也君子不絕小不殄微也殄亦絕也行自微也不微

人人知之則願也人不知苟吾自知也君子終

身守此勿勿也勿勿猶勉勉也君子禍之為患辱之為

畏見善恐不得與焉見不善者恐其及已也論語

曰見善如不及見惡如探湯是故君子疑以終身疑善之不及與惡之及

已君子見利思辱見惡思誼誼取也嗜慾思耻忿

怒思患故愚惑者朝忿忘身君子終身守此戰戰也君子

慮勝氣血氣勝則庸身思而後動論而後行行

必思言之貴其可言之必思復之論語曰信近

也思復之必思無悔言思唯亦可謂慎矣人信

其言從之以行以言不虛人信其行從之以復易曰

乾乾反復宜其類詩去宜爾室祭類宜其年詩云

君子萬壽無期亦可謂外內合矣君子疑則不言未問

則不言兩問則不行其難者君子患難除之財

色遠之流言滅之禍之所由生自熾熾也是故

君子夙絕之君子已善亦樂人之善也已能亦

樂人之能也已雖不能亦不以援人君子好人

之為善而弗趣也不促速之也惡人之為不善而

弗疾也疾其過而不補也補謂改也飾其美而不伐

也顏淵曰願伐則不益補則不改矣君子不先

人以惡不疑人以不信謂不億不逆詐不說人之過

成人之美說解存往者在來者在猶存也朝有過夕

改則與之夕有過朝改則與之君子義則有常

善則有隣德不孤見其一冀其二見其小冀其大

苟有德焉亦不求盈於人也言器也君子不絕人

之歡不盡人之禮通飲食之饋序其歡也來者

不豫往者不愼也慎故於物來者無所愼去之不謗

以義去之就之不賂往以道也亦可謂忠矣君子恭而不

改戴校
作復

難安而不舒遜而不諂寬而不縱惠而不儉直而不徑徑行夷狄之道亦可謂知矣無知一作無私君子入人

之國不稱其諱不犯其禁諱國諱禁國禁不服華色之

服服法不稱懼惕之言故曰與其奢也寧儉與

其倨也寧句倨猶慢也句以喻敬可言而不信寧無言也

君子終日言不在尤之中小人一言終身為罪

君子亂言而弗殖夙絕神言弗致也恠力亂神

道遠日益去眾信弗主靈言弗與道遠日益積

言不折辭謂僉議所同不為主人言不信不和不信之道君子不唱流

主行必有法依前言也親人必有方方猶常也多知而

無親無所親行博學而無方好多而無定者君子弗

與也君子多知而擇焉博學而算焉多言而慎

焉多言者謂時事須殺博學而無行進給而不

讓好直而徑儉而好倥者君子不與也倥塞也

人者君子不與也亟達而無守亟數也數自好

名而無體無容忿怒而為惡不以為惡或足恭

而口聖而無常位者君子弗與也巧言令色能

小行而篤難於仁矣嗜酤酒好謳歌巷遊而鄉

大哉禮記卷二

殺戴校

穢者乎吾無望焉耳

無可望也尚書大傳曰古者聖帝之治天下也五十

已下非蒸社不敢遊飲唯六十以上遊飲也

出入不時言語不序安

易而樂暴懼之而不恐說之而不聽雖有聖人

亦無若何矣臨事而不敬情於居喪而不哀祭

祀而不畏其神朝廷而不恭則吾無由知之矣

三十四十之間而無藝即無藝矣五十而不以

善聞矣聞則無七十而無德雖有微過亦可以勉

矣言其過也大也其少不諷誦其壯不論議其老不教

誨亦可謂無業之人矣少稱不弟焉恥也壯稱

無德焉辱也老稱無禮焉罪也過而不能改倦

也倦傾行而不能遂耻也謂不能慕善人而不

與焉辱也弗知而不問焉固也固專說而不能

窮也喜怒異慮惑也不能行而言之誣也非其

事而居之矯也道言而飾其辭虛也謂道聽求

辭無益而厚受祿竊也好道煩言亂也殺人而

不戚焉賊也人言不善而不違色順近於說其

言說古通以說其言殆於以身近之也殆危之

以身殆於以身近之殆於身之矣危庸人言善

而色蕙焉近於不說其言蕙為不悅不悅其言

殆於以身遠之也近當字殆於以身近之殆於

身之矣故目者心之浮也言者行之指也作於中則播於外也心見行於故曰以其見者占其

隱者謂目也故曰聽其言也可以知其所好矣觀說之流可以知其術也流謂部分也久而復之可

以知其信矣觀其所愛親可以知其人矣臨懼之而觀其不恐也怒之而觀其不愠也喜之而

觀其不誣也愠亂也近諸色而觀其不踰也飲食之而觀其有常也利之而觀其能讓也居哀

而觀貞也文王曰省其喪居約而觀其不營也勤勞之而觀其不擾人也君子之於不善也身

勿為能也色勿為不可能也無柰形色也色也勿為

可能也心思勿為不可能也太上樂善太上德之取上者謂其心其次安之其次德之次者其下亦能

自彊謂其身不為太上謂五帝其次謂三王其霸假仁者樂道上者率性之湯武身之五智者利道次者利愚者

從弱者畏不愚不弱執誣以彊亦可謂棄民矣自執而太上不生惡無為過其次而能夙絕之

也有意而其下復而能改也既為而復而不改殞身覆家大者傾覆社稷是故君子出言以鄂

鄂鄂鄂辨厲也論語曰其行身以戰戰亦殆勉

於罪矣是故君子為小由為大也正常思也居由仕

也故曰父母為嚴君子孫為臣民也備則未為備也恒謙也而勿

慮存焉危也事父可以事君事兄可以事師長

使子猶使臣也使弟猶使承嗣也承嗣謂能取

朋友者亦能取所予從政者矣賜與其宮室亦

猶慶賞於國也忿怒其臣妾亦猶用刑罰於萬

民也是故為善必自內始也內人怨之雖外人

亦不能立也大學曰欲治其國先齊其居家治則移官亦理也居上位

而不淫臨事而栗者鮮不濟矣大濶先憂事者後

樂事先樂事者後憂事昔者天子日旦思其四

海之內戰戰唯恐不能又治也諸侯日旦思其

四封之內戰戰唯恐失墮之大夫士日旦思其

官戰戰唯恐不能勝庶人日旦思其事戰戰唯

恐刑罰之至也是故臨事而栗者鮮不濟矣福

唯人宜其慎也是以易有君子之於子也愛而

勿面也於面使而勿貌也勞休之貌導之以道而

勿強也宮中雍雍外焉肅肅兄弟懌懌朋友切

切論語曰朋友切切遠者以貌近者以情友以

立其所能而遠其所不能苟無失其所守亦可與終身矣

凡一千七百六十字

曾子本孝第五十

曾子曰忠者其孝之本與孝子不登高不履危

敬父母之遺體故痺亦弗憑不苟笑不苟訾隱

不命人有隱僻也臨不指凡居上不為惑眾故不在尤之

中也孝子惡言死焉死且流言止焉美言興焉

故惡言不出於口煩言不及於已故孝子之事

親也居易以俟命處安易也道不興險行以徼

幸孝子游之暴人違之就其常也出門而使

不以或為父母憂也不為事或貽險塗隘巷不

求先焉以愛其身以不敢忘其親也身者親之

敬孝子之使人也不敢肆行不敢自尊也父死

三年不敢改父之道故曰三年無改於又能事

父之朋友又能率朋友以助敬也使敬其君子

之孝也以正致諫謂士之孝也以德從命庶

人之孝也以力惡食分地任力任善不敢臣三

德謂王者之孝三德三老也故孝受於親也生

則有義以輔之喻於死則哀以莅焉臨祭祀則

莅之以敬如此而成於孝子也

曾子立孝第五十一

下有缺

曾子曰君子立孝其忠之用禮之貴有忠與禮

故為人子而不能孝其父者不敢言人父不能

畜其子者為人弟而不能承其兄者不敢言人

兄不能順其弟者為人臣而不能事其君者不

敢言人君不能使其臣者也不可以已能而責

不能故與父言言畜子與子言言孝父與兄言言

順弟與弟言言承兄與君言言使臣與臣言言事

君士相見禮曰與君言言使臣與大夫言言事

與眾言言慈祥與莅君子之孝也忠愛以敬反

是亂也盡力而有禮莊敬而安之微諫不倦聽

從而不懈懽欣忠信咎故不生可謂孝矣盡力

無禮則小人也豈小人而已哉致敬而不忠則

不入也是故禮以將其力敬以入其忠飲食移

味隨所欲也居處溫愉著心於此濟其志也子曰可

入也吾任其過吾知其能不可入也吾辭其罪

詩云有子七人莫慰母心子之辭也衛詩凱風

七子自責夙興夜寐無忝爾所生言不自舍也

任過之辭不耻其親君子之孝也是

故未有君而忠臣可知者孝子之謂也未有長

而順下可知者弟弟之謂也孝經曰以孝事君

則忠以敬事長則

順未有治而能仕可知者先脩之謂也故曰孝子善事君弟弟善事長君子一孝一悌可謂知終矣

凡三章新別凡三百二十四字

曾子大孝第五十二

曾子曰孝有三大孝尊親其次不辱其下能養

公明儀問於曾子曰夫子可謂孝乎公明儀曾子弟子

曾子曰是何言與是何言與君子之所謂孝者

先意承志諭父母於道凡言於事親未意則先善舉之親若有志則敬

而奉參直養者也安能為孝乎身者親之遺躰

也行親之遺體敢不敬乎故居處不莊非孝也

事君不忠非孝也蒞官不敬非孝也朋友不信

非孝也戰陣無勇非孝也五者不遂災及乎身

身一作親敢不敬乎故烹熟鮮一作蘊香嘗而進之非

孝也養也君子之所謂孝者國人皆稱願焉曰

幸哉有子如此所謂孝也民之本教曰孝孝經曰夫

孝德之本也教之所由生也其行之曰養謂致衣食養可能

也敬為難敬可能也安為難將以忠禮安可能也

父為難父可能也卒為難父母既歿慎一作行

其身不遺父母惡名可謂能終也謂能卒也夫仁者

仁此者也義者宜此者也忠者中此者也信者

信此者也禮者體此者也行者行此者也疆者

疆此者也樂自順此生刑自反此作夫孝者天

下之大經也夫孝置之而塞於天地衡之而衡

於四海置猶立也衡猶橫也施諸後世而無朝夕言常推行也推

而放諸東海而準推而放諸西海而準推而放

諸南海而準推而放諸北海而準九夷八蠻七

四海放猶至準猶平也詩云自西自東自南自北無思不

服此之謂也大雅文王有聲之六章也孝有三大孝不匱詩

孝子不匱未中孝用勞勞猶功也小孝用力博施備

物可謂不匱矣尊仁安義可謂用勞矣慈愛忘

勞可謂用力矣父母愛之喜而不忘父母惡之

懼而無怨父母有過諫而不逆當柔聲下氣也父母既

歿以哀祀之加之如此謂禮終矣哀謂服之三年祀謂春秋

享樂正子春下堂而傷其足傷瘵數月不出猶

有憂色門弟子問曰夫子傷足瘵矣數月不出

猶有憂色何也樂正子春曰善如爾之問也吾

聞之曾子曾子聞諸夫子曰天之所生地之所

養人為大矣父母全而生之子全而歸之可謂

孝矣孝經曰天地之性人為貴人之行莫大於孝也不虧其體可謂全

矣故君子頃步之不敢忘也

跬當聲誤為頃

今予忘夫

孝之道矣予是以有憂色故君子一舉足不敢

忘父母一出言不敢忘父母一舉足不敢忘父

母故道而不徑

不由徑也

舟而不游不敢以先父母

之遺體行殆也

殆危也

一出言不敢忘父母是故

惡言不出於口忿言不及於已然後不辱其身

不憂其親則可謂孝矣草木以時伐焉禽獸以

時殺焉夫子曰伐一木殺一獸不以其時非孝

也

夫子孔子

凡三章新別凡六百五十五字

曾子事父母第五十三

單居離問於曾子曰事父母有道乎

單居離曾子弟子也

曾子曰有愛而敬父母之行若中道則從若不

中道則諫諫而不用行之如由已

且俯從所行而思諫道也

從而不諫非孝也

同父母之諫非不匡諫

諫而不從亦非孝

也

徒以義諫而行不從

孝子之諫達善而不敢爭辨爭辨

者作亂之所由興也

內則曰父母有過正氣怡色柔聲以諫諫若不入起

敬起孝說則復諫

由已為無咎則寧

謂順

由已為賢人

則亂

謂爭辨賢與無咎互相足

孝子無私樂父母所憂憂之

父母所樂樂之孝子唯巧變故父母安之若夫

坐如尸立如齊弗訊不言齊謂祭祀時訊問也言必齊色

嚴敬其色此成人之善者也未得為人子之道也為人

父之事單居離問曰事兄有道乎曾子曰有尊親

之以為已望也謂儀象也兄事之不遺其言奉其兄所令兄

之行若中道則兄事之兄之行若不中道則養

之養猶隱之養之內不養於外則是越之也養之外

不養於內則是疏之也是故君子內外養之也

單居離問曰使弟有道乎曾子曰有嘉事不失

時也謂冠娶也弟之行若中道則正以使之正以使弟

道弟之行若不中道則兄事之且以兄禮敬之誦事兄

之道若不可然后舍之矣屈事兄之然猶不變則怒罰之曾子

曰夫禮大之由也不與小之自也言大者得自由也飲

食以齒以兵也力事不讓辱事不齒執觴觚杯豆

而不醉和歌而不哀觚器也實之曰觴杯盤盞盆盞之摠名也豆醬器以

蘇由夫弟者不衡坐不苟越不干逆色趨翔周

旋俛仰從命不見於顏色未成於弟也

大戴禮記卷第四

大戴禮記卷第四

(Faint bleed-through text from the reverse side of the page)

大戴禮記卷第五

曾子制言上第五十四

曾子制言中第五十五

曾子制言下第五十六

曾子疾病第五十七

曾子天圓第五十八

曾子制言上第五十四

曾子曰夫行也者行禮之謂也夫禮貴者敬焉
老者孝焉幼者慈焉少者友焉賤者惠焉此禮
也行之則行也立之則義也今之所謂行者犯

其上危其下衡道而彊立之也衡橫天下無道故

若且自天下有道則有司之所求也言為法或

故君子不貴興道之士而貴有耻之士也若由

富貴興道者與貧賤吾恐其或失也或猶若由

貧賤興道者與富貴吾恐其羸驕也夫有耻之

士富而不以道則耻之貧而不以道則耻之弟

子無曰不我知也鄙夫鄙婦相會于廡陰可謂

密矣明日則或揚其言矣中庸曰莫見於隱莫

也故士執仁與義而明行之未篤故也胡為其

莫之聞也殺六畜不當及親吾信之矣凡殺有

使民不時失國吾信之矣蓬生麻中不扶自直

白沙在泥與之皆黑古說云言扶是故人之相

與也譬如舟車然相濟達也已先則援之彼先

則推之是故人非人不濟馬非馬不走土非土

不高水非水不流君子之為弟也行則為人負

使之為夫人則否夫人行近市無賈無郵在田

無野田廬也行無據旅守直道苟若此則夫杖可

因篤焉言行如此則其所富以苟不如貧以譽

貧則常也生以辱不如死以榮見危致命辱可

義不可無

旅至正
本作依

避避之而已矣及其不可避也君子視死若歸

不為也父母之讎不與同生禮曰父之讎弗與同

戴天兄弟之讎不與聚國禮曰昆弟之讎仕不

不為也朋友之讎不與聚鄉曲禮曰朋友之讎則

人之讎不與聚隣絕族者謂良賈深藏如虛君

子有盛教如無言珍寶深藏若虛弟子問於魯

子曰夫士何如則可以為達矣曾子曰不能則

學疑則問欲行則比賢雖有險道循行達矣今

之弟子病下人不知事賢恥不知而又不問好

於人而不欲作則其知不足是以惑闇惑闇終

其世而已矣是謂窮民也曾子門弟子或將之

曾子曰吾無知焉曾子曰何必然往矣有知焉謂

之友曰友無知焉謂之主且客之且夫君子執

仁立志先行後言千里之外皆為死故曰君

無兄苟是之不為則雖汝親庸孰能親汝乎庸

弟也

凡三章 新別 凡五百七十字

曾子制言中第五十五

曾子曰君子進則能達退則能靜豈貴其能達哉貴其有功也豈貴其能靜哉貴其能守也夫

唯進之何功退之何守

問君子進退如何是故君子

進退有二觀焉

言有二觀

故君子進則能益上之

譽而損下之憂

謂其功也

不得志不安貴位不博厚

祿負耜而行道凍餓而守仁

謂其守也

則君子

之義也其功守之義有知之則願也莫之知苟

吾自知也吾不仁其人雖獨也吾弗親也

不仁而

不足友也故周公曰不如我者吾不與處損我者也與我等吾不與處無益我者也吾所與處

者必賢於我故君子不假貴而取寵不因人之貴不

比譽而取食

不校名譽以求祿也

直行而取禮

行正則比見禮也

說而取

一作友

言脩己

有說我則願也莫我說

苟吾自說也

說讀為悅字

故君子無悒悒於貧無勿

勿於賤無憚憚於不聞

憚憚憂惶也

布衣不完蔬食

不飽蓬戶穴牖日孜孜

一作學

上仁知我吾無訢

訢不知我吾無悒悒是以君子直言直行不宛

言而取富不屈行而取位畏之見逐智之見殺

固不難誦身而為不仁宛言而為不智則君子

弗為也

小人在朝多逐害於仁智者君子雖子之人不枉言行而懷其祿也

君子雖

言不受必忠曰道雖行不受必忠曰仁

謂發施行於

君之前實善而君不納然雖諫不受必忠曰智

猶忠誠勉行可謂仁道也而謙之天下無道循道而行衡塗而僨

衡橫也

此一段在貴也下

手足不揜四支不被手足節四支說者申慤慤

此二十二字注

耳詩云行有死人尚或瑾之則此非士之罪也

有士者之羞也是故一作君子天下之為仁則

則以仁為富也天下之為貴則以仁為尊也天下之為富

為富何為富則仁為富也天下之為貴何為貴

則仁為貴也昔者舜匹夫也土地之厚則得而

有之人徒之眾則得而使之舜唯仁得之也是

故君子將說富貴必勉於仁也昔者伯夷叔齊

死於溝澮之間其仁成名於天下夫二子者居

河濟之間非有土地之厚貨粟之富也伯夷叔齊

君之子初無父母後交讓國遂言為文章行為

喪綴於天下是故君子思仁義晝則忘食夜則

忘寐日旦就業夕而自省以殺其身亦可謂守

業矣

凡四百八十字

曾子制言下第五十六

曾子曰天下有道則君子訢然以交同天下無

道則衡言不革衡平也言諸侯不聽則不干其

土聽而不賢則不踐其朝是以君子不犯禁而

入人境及郊問禁請命不通患而出危邑師敗不苟

此六字似注文

免則秉德之士不調矣故君子不調富貴以為

已說不乘貧賤以居已尊凡行不義則吾不事

不仁則吾不長奉相仁義則吾與之聚羣嚮爾

相助也冠盜則吾與慮國有道則突若入焉詩云

也晨風鬱彼國無道則突若出焉如大鳥奮如此

之謂義夫有世義者哉曰且仁者殆恭者不入

殆危也仁者危之恭者又不受也慎者不見使正直者則邇於

刑弗違則殆於罪邇近也是故君子錯在高山之

上深澤之汚聚橡栗藜藿而食之藜藿生耕稼

以老十室之邑是故昔者禹見耕者五耦而武

過十室之邑則下為秉德之士存焉不侮之也

曾子疾病第五十七

曾子疾病疾困曾元抑首曾華抱足元華曾子

曰微乎吾無夫顏氏之言吾何以語汝哉然而

君子之務盡有之矣夫華繁而實寡者天也言

多而行寡者人也鷹鷯以山為卑而曾巢其上

魚鼈鼃鼉以淵為淺而蹙穴其中卒其所以得

之者餌也生生之厚動是故君子苟無以利害

義則辱何由至哉親戚不悅不敢外交近者不

親不敢求遠小者不審不敢言大故人之生也

突當作

大典無曰字

百歲之中有疾病焉者老幼焉故君子思其不復者而先施焉親戚既歿雖欲孝誰為孝年既耆艾雖欲弟誰為弟故孝有不及弟有不時其此之謂與言不遠身言之主也行不遠身行之本也言有主行有本謂之有聞矣知身是言行之基可謂聞矣君子尊其所聞則高明矣行其所聞則廣大矣高明廣大不在於他在加之志而已矣與君子游苾乎如入蘭芷之室久而不聞則與之化矣與小人游貸乎如入鮑魚之肆久而不聞則與之化矣離騷曰經鮑魚肆而失香也是故君子慎其所去

就與君子游如長日加益而不自知也如日之長雖日

加益而不自知也與小人游如履薄冰每履而下幾何而不墮乎哉吾不見好與丁盛而不衰者矣吾不見

好教如食疾子矣言未見好教敬人之受如舖疾子也吾不見日

省而月考之其友者矣吾不見孜孜而與來而

改者矣謂擇善而改非也

曾子天圓第五十八

單居離問於曾子曰天貞而地方者誠有之乎

曾子曰離而聞之云乎而猶汝也汝聞則言之也單居離曰

弟子不察此以敢問也曾子曰天之所生上首

而與大與作不字已無來

地之所生下首

人首負足地方上首之謂圓下首

之謂方

因謂天地為方圓也淮南子曰天之負下

中規地之方不中矩白虎通曰天鎮也其如誠

天圓而地方則是四角之不揜也且來吾語汝

參嘗聞之夫子曰天道曰圓地道曰方

道曰方

形方曰幽而圓曰明

方者陰義而圓者陽

吐氣者也是故外景

景古通以為影字幽者含

氣者也是故內景

內景者陰含藏也故火曰外景而金

水內景

金質陰也吐氣者施而含氣者化

以陽施而陰化也陽之精氣曰神陰之精氣曰

靈神者品物之本也

神為魂靈為魄魄陰陽

也魂氣上升於天為神體魄下

而禮樂仁義之

祖也

樂由陽來禮由陰作仁近而善否治亂所

興作也陰陽之氣各離其所則靜矣偏則風

負俱則雷交則電

自仲春至仲秋陰亂則霧和

則雨

偏則風而和則雨此謂一時之陽氣勝則

散為雨露陰氣勝則凝為霜雪陽之專氣為雷

陰之專氣為霤霤霄者一氣之化也

陽氣在雨

陰氣薄之不相入轉而為電陰氣在雨凝滯為

雪陽氣薄之不相入散而為霤故春秋穀梁說毛蟲毛而後生羽蟲羽而

後生毛羽之蟲陽氣之所生也介蟲介而後生

鱗蟲鱗而後生介鱗之蟲陰氣之所生也言陰所

生者舉唯人為倮倮則亦兼陰陽氣而生也陰

陽之精也凡人受陰陽純精之精有生之貴也毛

蟲之精者曰麟羽蟲之精者曰鳳介蟲之精者

曰龜鱗蟲之精者曰龍倮蟲之精者曰聖人龜龍

謂四靈龍非風不舉龜非火不兆此皆陰陽之

際也龜龍為陰風火茲四者所以役聖人之也

謂為是故聖人為天地主為山川主為鬼神主

為宗廟主鬼神百神也聖人慎守日月

之數以察星辰之行以序四時之順逆謂之曆

審十二月分數於昏旦定辰宿截十二管以索

八音之上下清濁謂之律也八音八卦之音以

清濁而准配律居陰而治陽因地氣曆居陽而治

陰因天律曆迭相治也曆以治時其間不容髮

其致聖人立五禮以為民望五禮其別三十六

制五衰以別親疏和五聲之樂以導民氣致樂

心合五味之調以察民情察猶正五色之位成

五穀之名五穀黍稷序五牲之先後貴賤五牲

豕犬雞先後謂諸侯之祭牛曰太牢天子之大

太牢、天子之牲角握，諸侯角尺，大夫索牛也。大夫之祭牲羊曰少牢，天子之士之祭牲特豕曰饋食，不言特牲，其亦少牢也。士之祭牲特豕曰饋食，文已著，又與大夫互。無祿者稷饋，庶人無常牲，稷為主。稷饋者無尸，無尸者厭也。宗廟曰芻豢，牛羊曰芻，犬豕曰豢。山川曰犧，色純曰犧，體完曰牲。宗廟言豢，山川言牲，互也。山川謂岳瀆，以方色角尺其餘用麋、素之。割列穰瘞，割，割牲也。列，編也。穰，穰也。瘞，埋也。是有五牲，此之謂品物之本。禮樂之祖，善否治亂之所由興作也。

大戴禮記卷第五

大戴禮記卷第六

武王踐阼第五十九

衛將軍文子第六十

武王踐阼第五十九

武王踐阼三日，既王之後召士大夫而問焉曰：惡有

藏之約行之行萬世，可以為子孫懷者乎？惡猶

也。言於何有約言而行之，乃行万世而猶得其福。諸大夫對曰：未得聞

也。然後召師尚父而問焉曰：黃帝顓頊之道存

乎？意亦忽不可得見與？言得忽然謂師尚父曰：在

丹書。王欲聞之，則齊矣。三日，王端冕，師尚父亦

端冕奉書而入負屏而立謂正也樹王下堂南

面而立師尚父曰先王之道不北面王行西折

而南東面而立師尚父西面道書之言曰敬勝

怠者強怠勝敬者滅義勝欲者從欲勝義者凶

凡事不強則枉凡事不能自強去弗敬則不正

枉者滅廢敬者萬世藏之約行之行可以為子

孫儻者此言之謂也問先帝之道庶聞要且臣

聞之以仁得之以仁守之其量百世以不仁得

之以仁守之其量十世以仁得之以仁守之皆

謂創基之君千百姓謂子孫無咎譽者於十以

不仁得之以不仁守之必及其世謂止於王聞

書之言暢若恐懼退而為戒書託於物以於席

之四端為銘焉於机為銘焉於鑑為銘焉於盥

盤為銘焉於楹為銘焉於杖為銘焉於帶為銘

焉於履屨為銘焉於觴豆為銘焉於戶為銘焉

於牖為銘焉於劔為銘焉於弓為銘焉於矛為

銘焉席前左端之銘曰安樂必敬安不前右端

之銘曰無行可悔當恭敬朝夕故後左端之銘

曰一反一側亦不可以忘言雖反側之間後右

端之銘曰所監不遠視邇所代周監不遠近机

及學記
正義
傾

之銘曰皇皇惟敬口生垢垢辱之主可不慎乎也言為君子榮

也垢言口能害口也口戕口令所依故以言語為戒也謹之

銘曰見爾前慮爾後盥盤之銘曰與其溺於人

也寧溺於淵溺於淵猶可游也溺於人不可救

也日知所亡學者之功溺於民庶大人之也禍故或以自新取戒或以游溺為鑑也楹之

銘曰母曰胡殘其禍將然母曰胡害其禍將大

母曰胡傷其禍將長夫為室者慎其楹君杖之

銘曰惡乎危於忿惡於何也忿者危之道怒

貴言身杖相資也因失道相帶之銘曰火滅修

容慎戒必恭恭則壽雖夜解息其容不可以苟

獲履之銘曰慎之勞勞則富行慎窮勞窮勞終

杖食自杖戒之惰惰則逃無求醉飽戶之銘曰

夫名難得而易失無懃弗志而曰我知之乎無

勤弗及而曰我杖之乎志識也杖立不能懲其

可就故終擾阻以泥之若風將至必先搖搖

之銘曰隨天時任也以地之財質也敬祀皇天敬以

先時先祭時而敬齋時劍之銘曰帶之以為服動必行德

也論人行痛

敬下王氏注本多口生敬一句

行德則興倍德則崩以順也誅也

廢興之行無忘自過時也得矛之銘曰造矛造矛

少間弗忍終身之羞重言造矛見造矛之不易也言少間之不忍則為終

身羞也君子於殺予一人所聞以戒後世子孫

之中禮恕存焉貽厥孫謀以燕翼

凡三百六十五字

衛將軍文子第六十

衛將軍文子文子衛姬問於子贛曰子貢端木

也後進於禮也

世道者孝悌說之以義而觀諸躬

成之以文德蓋受教者七十有餘人言能受教者謂七十

也二子聞之孰為賢也子貢對辭以不知文子曰

吾子學焉何謂不知也子貢對曰賢人無妄知

賢則難故君子曰智莫難於知人此以難也書曰

知人則哲惟文子曰若夫知賢人莫不難吾子

親游焉是敢問也子貢對曰夫子之門人蓋三

就焉謂大成也賜有逮及焉有未及焉不得辯

知也未及者為先就夫子而或止或退未得及

也文子曰吾子之所及請問其行也子貢對曰

夙興夜寐諷誦崇禮行不貳過稱言不苟是顏

淵之行也顏回魯人字子淵也孔子說之以詩詩云媚茲

一人應侯順德永言孝思孝思惟則大雅下武四章也

媚茲一人謂御于天子而蒙寵愛應侯順德逢國君能成其德孝思惟則此文在前章兼以說

之故連故國一逢有德之君世受顯命不失厥

名以御于天子以申之於諸侯受爵命未盡其能在貧如客

言安使其臣如藉藉借也如不遷怒不探怨不

錄舊罪是冉雍之行也冉雍魯人字仲弓孔子曰有土

君子有衆使也有刑用也然後怒匹夫之怒惟

以亡其身使舉也夫子因其性不好怒故說詩妄怒之敗也書曰惟辟作威也詩

云靡不有初鮮克有終以告之大雅蕩首章也言冉雍能終其

行不畏強禦不侮矜寡其言曰性其言惟陳其性不苟虛疾

都其富哉仲由亦於政事故任其戎是仲由之

行也仲由衛人也字子路夫子未知以文也其節

也詩云受小共大共為共一作拱下國恂蒙何天之

寵傳奏其勇夫強乎武哉殷頌長發之五章也頌湯伐桀除災之事

恂信也言下國信蒙其富詩為駿龐或文不勝

其質恭老恤孤不忘賓旅好學省物而不斁是

冉求之行也物猶事也事省則不斁也冉求字子有冉雍之子為季氏之宰孔子

因而語之曰好學則智恤孤則惠恭老則近禮

克篤恭以天下其稱之也宜為國老宜為國之尊也言任

為相也也志通而好禮擯相兩君之事篤雅其有禮

節也是公西赤之行也公西赤魯人也字子華孔子曰禮

儀三百可勉能也禮經三百可勉學而能知威儀三千則難

也能躬行三千之威儀則公西赤能躬行也公西赤問曰何謂也

孔子曰貌以擯禮禮以擯辭是之謂也禮待貌而行辭

得禮而發言貌所以主人主言行比聞之以成

擯贊三千之儀也公西赤聞之以成家語云衆人聞之為成主或聲悞也孔子之語人也曰

當賓客之事則通矣謂門人曰二三子欲學賓

客之禮者於赤也滿而不滿實如虛過之如不

及先生難之云先生者猶有難之亦所謂先生子之所畏也不學其貌竟

其德敦其言於人也無所不信其橋大人也高橋

也高大常以皓皓是以眉壽皓皓虛曠無長生

之視也是曾參之行也曾參魯之南武城人也字

尹晉迎以上鄉孔子曰孝德之始也天道曰至

不應其命也敏德人道曰孝德四代曰有天德有地德夫學

天地之德者皆以無私為能也動而樂施者天

德也安而待化者地德也故天之德有廣狹矣

自餘禮義忠信已下皆為人德因事則為禮厚

其行則弟德之序也信德之厚也忠德之正也

為孝也參也中夫四德者矣故以此稱之也業功不伐

貴位不善不侮可侮不佚可佚不侮可侮者不

至不敖無告夫民之窮無所告是顓孫之行也

顯孫師陳人孔子言之曰其不伐則猶可能也

也子張字也其不弊百姓者則仁也詩云愷悌君子民之父

母大雅洞酌夫子以其仁為大也學以深致能深

也厲以斷性嚴厲而能斷決七十篇說子夏云

送迎必敬上友下交銀乎如斷是卜商之行也

卜商衛人字子夏為魏文侯師銀廉鍔也如斷

言便能子張曰子夏之門人洒掃應對進退出

入則孔子曰詩云式夷式已無小人殆小雅節

也始近而商也其可謂不險也言其鄰貴之不喜

賤之不怒苟於民利矣惟在利民春秋左傳廉

於其事上也以佐其下佐助是澹臺滅明之行

也澹臺滅明東魯之東武城人也字子羽魯大夫孔子曰獨貴獨富君

子耻之夫也中之矣先成其慮及事而用之是

故不忘是言偃之行也言偃魯人也字子游為武城宰也孔子

曰欲能則學欲知則問欲善則訊欲給則豫當

是如偃也得之矣獨居思仁公言言義其聞之

詩也一日三復白圭之玷是南宮縚之行也南宮

縚魯人也字子容夫子信其仁以為異姓謂以兄之子

司儀職曰時揖異姓士揖庶姓家語自見孔子

入戶未嘗越屨凡在於室卑者之屨皆陳於往

來過人不履影不越人之履不履人開蟄不殺

善大典作行

方長不折執親之喪未嘗見齒是高柴之行也

高柴齊人也字子羔為郈宰孔子曰高柴執親之喪則難能

也開螫不殺則天道也方長不折則恕也恕則

仁也湯恭以恕是以日躋也北事於葛恭也教綱者呪恕也詩躬

頌曰聖此賜之所親睹也吾子有命而訊賜則

不足以知賢文子曰吾聞之也國有道則賢人

興焉中人用焉百姓歸焉若吾子之語審茂則

一諸侯之相也亦未逢明君也茂盛也子貢既

與衛將軍文子言適魯見孔子曰衛將軍問二

三子之行於賜也不一而三賜也辭不獲命以

所見者對矣見其行也未知中否請嘗以告請嘗以對者告

也孔子曰言之子貢以其質告孔子既聞之笑

曰賜汝偉為知人賜質由實也偉為知人言大為知人也再言賜者善之

子貢對曰賜也焉能知人此賜之所親覩也孔

子曰是女所親也吾語女耳之所未聞目之所

未見思之所未至智之所未及者乎言未至未及者謂

其德廣厚也子貢曰賜得願聞之也孔子曰不克

不忌不念舊惡蓋伯夷叔齊之行也克好勝人忌有惡於

人也論語曰伯夷叔齊不念舊惡怨是用希也晉平公問於祁奚曰羊

舌大夫晉國之良大夫也其行如何平公悼公之子晉侯

也祁後祁午也羊舌職之孫祁後對辭曰不知也公曰吾

聞女少長乎其所女其闈知之言居處之同祁

奚對曰其幼也恭而遜恥而不使其過宿也其

為侯大夫也悉善而謙其端也謙而正其為公

車尉也信而好直其功也公車尉公行也詩至

於其為和容也溫良而好禮博聞而時出其志

也和容主賓客也公曰嚮者問女女何曰弗知也祁後

對曰每位改變未知所止是以不知蓋羊舌大

夫之行也畏天而敬人服義而行信孝乎父而

恭於兄好從善而數往蓋趙文子之行也晉大夫趙

也武其事君也不敢愛其死不苟免於難也然亦不忘其

身不死於義也謀其身不遺其友君陳則進不陳則

行而退陳謂陳其德教蓋隨武子之行也晉大夫也出

也隨范會名也季其為人之淵泉也多聞而難誕

也不內辭足以汲世國家有道其言足以生國

家無道其默足以容蓋桐提伯華之行也晉大夫

也舌赤也邑外寬而內直自設於隱括之中能以

於桐提鞏直也孔子曰隱括之傍多曲木也直已而不直人以善存亡汲

汲蓋蘧伯玉之行也衛大夫蘧瑗也孝子慈幼允德稟

義約貨去怨蓋柳下惠之行也魯士師展禽也

食粟於柳下惠

侯當佳

也其言曰君雖不量於臣臣不可以不量於

君是故君擇臣而使之臣擇君而事之有道順

君無道橫命蓋晏平仲之行也齊大夫德恭而行

信終日言不在尤之內在尤之外貧而樂也蓋

老萊子之行也楚人隱者易行以俟天命居下位

而不援其上觀於四方也不忘其親苟思其親

不盡其樂以不能學為已終身之憂蓋介山子

推之行也晉大夫介之推也離騷曰大德之優游

大戴禮記卷第六



